



Minister Geoffrey Wever
**ARUBA Y COLOMBIA KIER
 FORTALECE LASO COMERCIAL,
 LOGISTICA MARITIMO Y
 DESAROYO AGRICOLA**



WWW.SOLODIPUEBLO.COM



SOLODIPUEBLO@GMAIL.COM

FISCAL A EXIGI ENTRE 4 Y 7 AÑA DI PRISON PA TRIO ENVOLVI DEN IMPORTACION DI CASI 700 KILO DI DROGA

Parlamento no ta hañando informacion riba e negociacionnan cu Hulanda
**NA VARIOS OCACION FRACCION DI MEP A
 DENUNCIA E FALTA DI TRANSPARENCIA DI
 E GOBIERNO AVP/FUTURO**



IMPACT HUB ARUBA A INSPIRA E GENERACION NOBO DI EMPRESARIONAN DI ARUBA

Future Founders Club tabata un exito

DEPARTAMENTO DI ADUANA A TENE ENCUENTRO CU BROKERNAN



**TRABOU DI MANTENCION
 DEN TRANSFORMATORHUIZEN
 NA SANTA CRUZ**

Interupcion di Coriente Planea

En conexion cu trabounan necesario pa mantene
 un suministro di coriente confiabel,
 e servicio di coriente lo wordo interumpi:

**Diaranson, 13 di augustus 2025
 8:30 AM te cu 3:30 PM**

Den vecindario di:
 • Santa Cruz (un parti)

N.V. ELMAR ta pidi disculpa pa e inconveniencia cu e
 interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.



ELMAR

CONTINUACION INTERLASADO: PASADO PRESENTE NA MANA



Publico general ta ser invita pa lansamento di e dos fase di e exposicion “Interlasado: Pasado Presente” di e artista visual contemporaneo Velvet Zoé Ramos riba diahuebs 21 di augustus, 7 or di anochi na MANA (Museo Arqueologico Nacional Aruba). Curadoria ta den

man di Irvin Aguilar. Velvet Zoé ta e artista invita di MANA pa durante 2025 presenta su trabou y vision artistico riba relacion di “Pasado (den) Presente” den cultura di Aruba. Di januari ultimo “Interlasado” ta comparti resultado di su exploracion di e metafora

di simia – su biahe durante migracion, transformacion y sobrevivencia – como un manera pa reflexiona riba identidad, herencia y comunidad. Inspira door di biahe di simianan, e exposicion na MANA ta cuestiona con nos ta crece, cambia y ta cuida loke nos ta hereda ...

Fase 2 ta continua e reflexion profundo, introduciendo obranan nobo di ceramica y un instalacion multimedia cu ta amplia e dialogo tocante cuido, restriccion y adaptacion relaciona cu cambio di medio ambiente.

Celebracion di e ocasion unico aki ta ser engrandece door di purbamento di



bebida y co'i come chikto prepara door di Taki (Frank Kelly). Taki ta colecta alimento natural di lama y riba tera. E ta prepara y comparti nan y asina ofrece un experiencia sensorial cu ta reforsa e temanan di “Interlasado: Pasado Presente”.

E proyecto aki a bira posibel tambe door di

sosten di Mondriaan Fonds Artist Project, Cultuurfonds Caribisch Gebied y Terrafuse Aruba. Publico ta cordialmente bon bini pa presencia e apertura di e exposicion aki. Keda pendiente pa un charla artistico di Velvet Zoé Ramos den september awor riba su trabou y forma di traha.

DESPUES DI UN EXITOSO EXQUISITE BINGO FIN DI SIMAN JACKPOT PROGRESIVO TA BIRA \$25,406,-



THE CASINO AT
ST REGIS
ARUBA

Exquisite Bingo

Every Saturday and Sunday at 8:30 AM. Casino doors open at 7:30 AM. Buy-in: \$20. Buy 2 bingo games, get the 3rd on us. Limited capacity available.

Bingo pre-sale: Every Friday and Saturday from 3:00 PM - 8:00 PM.

Palm Beach, Aruba 6 di Augustus Nos ta wardabo diasabra y diadomingo na The Casino at St Regis Aruba, porta ta habri di 7.30 AM pa asina duna oportunidad pa cumpra carchi di bingo na un balor di \$20,- .

Si bo cumpra 2 carchi di bingo bo lo ricibi e di tres completamente gratis. Pa esnan cu lo desea di sigura nan carchi trempa, por haci uzo di nos pre-sale cu lo ta tur diabierna y diasabra di 3:00 PM – 8:00 PM. Tene na cuenta



cu cuponan ta limita.

JACKPOT PROGRESIVO A BIRA \$25,406

Exquisite Bingo ta ofrece un total di \$5,000 den premio y

un Jackpot Progresivo hopi atractivo cu a bira \$25,406,-

Costo pa un booklet ta \$20. Cumpra 2 carchi y ricibi e di 3 carchi completamente gratis.

Pa mas informacion, por tuma contacto cu e Casino VIP Desk na +297 281 2374.

The Casino at St. Regis Aruba Play Exquisite

Parlamentario Evelyn Wever-Croes

Parlamento no ta hañando informacion riba e negociacionnan cu Hulanda

NA VARIOS OCACION FRACCION DI MEP A DENUNCIA E FALTA DI TRANSPARENCIA DI E GOBIERNO AVP/FUTURO



– Parlamentario Evelyn Wever – Croes a indica cu ultimamente nan ta hañando hopi pregunta riba con ta para cu e negociacionnan entre Hulanda y Aruba y con ta para cu e Rijkswet. Pero lamentablemente Parlamento no ta hañando ningun informacion riba esaki. Nan no ta hayando nada di Gobierno pues no por contesta e preguntanan aki. Tur loke ta wordo bisa ta loke hende ta specula, pasobra e informacion corecto y confiabel Parlamento no ta hañando.

Parlamentario

Wever-Croes a indica cu na momento cu Gabinete Wever-Croes a sali di Gobierno, nan a laga e negociacionnan bastante avansa. Pero tabata falta algun detaye pa negocia, cu ta e detayenan crucial cu ta determina si e Rijkswet ta combini Aruba si of no. Paso si esnan negociando pa Aruba no ta fuerte suficiente, lo por haya un Rijkswet cu por hasta perhudica Aruba y esey ta loke tin Parlamentarionan di MEP preocupa.

E falta di transparencia den e Gobierno aki ta algo cu Parlamentarionan di fraccion di MEP a

denuncia hopi biaha caba. Pero mas preocupante ta cu e ministernan cu ta na mesa negociando, no ta domina e materia y esaki por tin resultadonan hopi negativo pa pais Aruba.

“Nos di fraccion di MEP lo sigui desde Parlamento haci nos trabou di pone presion riba Gobierno, di busca informacion

pa asina por informa pueblo debidamente. Y na tur esnan cu ta puntra, mi sa cu e Gobierno anterior a custuma boso di haya informacion na un manera transparente, pero desafortunadamente e Gobierno aki ta traha na un manera diferente. Ami sigur no ta aproba e manera aki di traha pero nos tin cu biba cune.

Sinembargo nos lo keda haci nos trabou, keda haci pregunta, y sigui pone presion. Nos a haya critica caba cu nos ta un oposicion hopi fuerte, pero nos lo sigui ta fuerte paso e ta sumamente importante pa haya un Rijkswet bon cu no lo perhudica Aruba” Parlamentario Wever-Croes a expresa.



HEFE DI REGISTRO CIVIL Y CENSO TA ANUNCIA LO SIGUIENTE:

Peticionnan pa (re-)inscribi den Registro di poblacion a conoce un subida drastico. Pa e producto aki Censo a yega su capacidad maximo.

Ademas di e subida drastico e siguiente factornan ta causa un problema, perhudicando otro clientenan di haya un cita:

1. Clientenan cu NO tin nan permiso y/of otro documentonan na ordo ainda ta blokia citanan y NO ta cancela esaki;
2. Clientenan cu a wordo inscribi caba (por ehemplo via digital loket) NO ta cancela nan cita;
3. Diferente otro persona, consultancy etc. ta haci cita pa cliente fictisio.

Censo lo keda haci su maximo esfuerso pa controla esakinan y anula esaki di e lista di cita, pa asina por habri cita pa clientenan cu si por of mester inscribi. E ta costa Censo trabounan innecesario pa motibo di conductanan indesea.

Pa es motibo ta pidi cooperacion pa lo siguiente:

1. NO haci cita te ora bo permiso ta cla y bo documentonan ta na ordo;
2. Cancela bo cita na tempo si acaso bo a keda cla cu bo inscripcion. Bo por cancela bo cita via e link cu bo a haya dia bo a haci e cita.



NoticiadiCorte

FISCAL A EXIGI ENTRE 4 Y 7 AÑA DI PRISON PA TRIO ENVOLVI DEN IMPORTACION DI CASI 700 KILO DI DROGA

ORANJESTAD – Awe mainta e homber Venezolano W.A.(33), su pareha e dama M.F.yera mainta Fiscal a baha pisa riba un trio cu Fiscal ta haya culpabel di importacion di casi 700 kilo di droga. E trio Venezolano ta consisti di e homber W.A. (33), su pareha, e dama M.F. y e homber V.L.(31) a presenta dilanti Hues pa e caso penal cu Ministerio Publico a cuminsa contra nan. Nan ta wordo sospecha di importacion di casi 700 kilo di droga riba 26 Augustus 2024.

SOLO DI PUEBLO por a compronde cu Fiscal a exige 7 aña di prison pa A.W., 5 aña di prison pa V.L. y 4 aña di prison pa M.F.

22 BULTO DI DROGA CONFISCA

Hues a mostra cu Guarda Costa a notifica autoridadnan di Aruba cu nan a haya informacion cu di Venezuela ta organisando diferente importacion di lotenan grandi di droga pa Aruba. Polis a dicidi di tap e cellularnan di e homber W.A., su pareha M.F. y e homber V.L. A hasta instala aparato special den nan auto pa scucha combersacionnan.

Dia 25 Augustus 2024 pa 11'or di anochi, Guarda Costa a mira riba radar un boto for di Venezuela ta biniendo Aruba. Di biaha e avion di Guarda Costa a sali pa investiga y e tripulacion di avion a mira con bultonan di droga tabata wordo benta den laman.

Di biaha Guarda Costa a sali y a intercepta e boto caminda a detene 5 persona y a pisa un cantidad di bulto riba laman y tambe a haya den e boto. En total 22 bulto a keda confisca. Investigacion a mostra cu den e bultonan tabatin marihuana y cocaina. A confisca 629 kilo di marihuana y 63 kilo di cocaina.

For di e combersacionnan cu Polis tabata scucha, a sospecha cu e trio W.A., M.F. y V.L. ta involvi.

Hues a puntra W.A. si e tabata involvi. Segun W.A. e no tin nada di haci cu e caso aki. El a bisa Hues cu e tabata sa cu famianan di dje cu ta ilegal, tabata bini Aruba. Hues a mostra cu Polis a scucha combersacionnan caminda W.A. tabata bisa pa ki ora asina nan lo mester yega. Tabatin palabra na unda na un cas na Calabas pa busca esnan ilegal. Hues a mostra cu ora Polis a yega, e cellular tabata completamente

kibra pa no por saca informacion.

Hues a puntra e dama M.F. si e tabata involvi. El a bisa cu e no sa di nada. Hues a mostra cu M.F. lo a papia tambe. Segun M.F., el a yuda W.A., door di contesta yamadanan y informa W.A. Esaki pasobra W.A. su cellular a baha. El a bisa cu W.A. no a bisa nada cu tin famianan ta bini y no sa cu un tio di W.A. tabata biniendo cu un boto. Segun M.F., el a puntra W.A. kico tabata pasando pero W.A. no kier a bis'e nada.

Hues a puntra V.L. si e tabata involvi. Segun V.L., e no sa nada di droga. E unico cos cu e sa cu W.A. a pidi'e pa yuda cu su familiarnan cu lo bin y pa para cla pa busca nan. Segun V.L., e familiarnan ningun momento a yega y el a bay bek cas. Ta asina cu Polis a pone GPS na e Nissan March pa sa unda V.L. tabata. E movecionnan di e auto tabata mostra cu V.L. tabata vigila si tabata sigur cu e boto por yega. V.L. a desmenti esey.

Fiscal a splica cu e 5 personanan abordo di e boto a wordo condena entre 4 y 5 aña di prison pa importacion di cocaina y marihuana.

OTRO LOTE GRANDI DI DROGA

Hues a mostra cu ta sospecha W.A. ta tabata involvi den importacion di casi 700 kilo di droga riba 9 July 2024. W.A. a desmenti esey. Hues a mostra cu Guarda Costa a mira boto ta navegando y Polis a bay na e beach, caminda a haya bultonan di droga. Riba e boto a haya un cellular satellite. Tambe den mondi a haya un otro cellular satellite. E total di droga confisca tabata 7 kilo di cocaina y 600 kilo di marihuana. Den vecindario di e beach, Polis a detene 4 persona. Algun di nan ya a wordo condena, mientras cu tin dos cu falta ainda pa nan caso bin dilanti. Segun W.A., e tabata pendiente pa busca un tio cu lo a yega. Hues a mostra cu Polis tabata scucha yamadanan di W.A. For di combersacionnan a haya sa cu e droga ta yega 9 July 2024 y cu ta W.A. tabata organiza esaki. Segun W.A., su funcion tabata pa busca ilegal. El a bisa cu e no tin placa y no tin auto grandi pa busca e lote di droga. El a bisa cu pa cada hende cu e busca, e tabata cobra 500 dollar. Di e forma aki, e tabata haya placa pa mantene su mes y su famia. El a bisa cu nan

tabata yam'e pa mira su costa ta liber. E tabata bisa nan si tabatin Guarda Costa den laman of avion bulando.

FISCAL

Fiscal ta considera W.A. e organizador mientras cu V.L. tabata ehecuta. Pa loke ta e dama M.F., Fiscal a mostra cu M.F. tabata blo bisa cu e no sa di nada pero e mes tabata papia cu e capitan di e boto y tabata bisa con e situacion na Aruba tabata pa asina e importacion por tuma lugar.

El a mostra cu dia 9 Juli 2024 otro importacion sosode. A confisca 693 kilo marihuana y 7 kilo di cocaina.

Fiscal ta haya cu e trio aki ta complice di importacion di cocaina y marihuana. Fiscal a exige pa W.A. 7 aña di prison, pa V.L. 5 aña di prison y pa M.F. 4 aña di prison. Ta asina cu M.F. a cuminsa yora ora el a tende e exigencia di Fiscal. Despues di a scucha defensa di e abogadoan, Hues a sera tratamento di e caso y a bisa cu dia 28 Augustus lo tin sentencia.

Clasificados




SOLODIPUEBLO@GMAIL.COM

CEL.585 9500



Biba bo Summer Dream



Ki ta bo soño e zomer aki?
Laga bo zomer briya cu CMB!

CashBack
cu Bo Prestamo Personal

**Regalo Cash di
Afl. 1.200**

pa mas informacion subi:
eamigo.com

CMB
CARIBBEAN MERCANTILE BANK

Presta responsabel.

E promocion aki ta valido te cu 30 di september, 2025. Prestamo personal "BIBA BO SUMMER DREAM" tin un interes efectivo di 16.00% p.a., mientras cu e duracion ta minimo di 3 aña cu un maximo di 5 aña.

E suma SUMMER CASH BACK di Afl. 1,200.00 ta conta exclusivamente pa tur sumanan di prestamo di Afl. 15,000.00 of mas y tambe pa tur otro terminonan di pago cu ta mas cu 3 aña. Prestamonan cu no ta cumpli cu e rekisito minimo di e suma di Afl. 15,000.00 of e termino di pago minimo di 3 aña lo no yega na remarca pa haya e SUMMER CASH BACK di Afl. 1,200.00.

Clientenan existente mester aplica y wordo aproba pa un minimo di Afl. 10,000.00 na fondonan nobo y cu un termino di pago di minimo 3 aña. Mientras cu nan prestamo existente mester ta paga pa mas cu mitar di e suma original.

Cada aplicacion, sea ta nobo of existente, lo wordo evalua segun su propio meritonan, y segun normanan y reglanan standard di Caribbean Mercantile Bank N.V. Condicionnan di empleado, sea ta pa medio di contrato colectivo (C.A.O.) of segun contract di trabao di banco, no ta aplicable pa e oferta aki.

Un gasto di administracion lo wordo cobra igual na Afl. 165.00 pa e prome aña di e prestamo, y Afl. 140.00 pa cada aña adicional. Un seguro di riesgo lo wordo cobra igual na 4% di e suma di e prestamo, mas e interes y gasto di administracion cu un maximo di 900.00 florin. Den caso cu prestamonan personal wordo cancela prome cu e termino acorda, Caribbean Mercantile Bank N.V. ta reserva e derecho di cobra un boet di 10% di e interes acorda durante ful e periodo cu a resta.

Caribbean Mercantile Bank N.V. ta reserva e derecho di por cancela e promocion aki na cualkier instante. E relacion entre Caribbean Mercantile Bank N.V. y su clientenan ta wordo determina pa e Condicionnan General di Caribbean Mercantile Bank N.V.

Scan QR code
pa pre-aplica



IMPACT HUB ARUBA A INSPIRA E GENERACION NOBO DI EMPRESARIONAN DI ARUBA

Future Founders Club tabata un exito



Oranjestad | Impact Hub Aruba ta felicita tur teenpreneur cu a participa den e prome edicion di Future Founders Club; un showcase dinamico cu recientemente a tuma lugar na Impact Hub Aruba. E Demo Day a marca e culminacion di un bootcamp intensivo di tres dia, cu su meta principal pa inspira, capacita y empodera e proximo generacion di entrepreneurs y changemakers arubano. Future Founders Club ta un iniciativa dedica na brinda espacio, 'skillset' y crea un comunidad di hoben cu ambicion pa crea un futuro diferente, pa nan mes y pa nos isla. Durante un bootcamp di 3 dia, e teenpreneurs a pasa den un trayecto educativo y practico cu ta inclui temanan manera:

- Introduccion na Entrepreneurship
- Mindset di identifica problema y crea solucion
- Con pa prototype
- Marketing y uso di media social
- Preparacion di modelo di negoshi y Pitch

E programa a finalisa cu un 'Demo Day', cu a tuma lugar riba anochi final. Un total di 8 teenpreneurs a presenta nan solucion den forma di un modelo di negoshi. E modelonan di negoshi a varia entre plataformanan digital, solucionnan cu AI, diseño di hoy, producto di crochet, y solucion den industria di Cybersecurity.

E programa a wordo sosteni pa un grupo di mentors y instructornan cu ta forma parti di e comunidad di Impact Hub Aruba. Durante e Demo Day por a conta cu lidernan den negoshi cu a presencia y demostra nan sosten na e futuro




generacion di 'founders'. E panel di invitadonan a haci pregunta na tur 'Future Founder', di cual cada participante a defende nan modelo di negoshi cu confiansa y claridad, demostrando comprendimento di negoshi, identifica problema den sociedad, crea solucionnan sostenibel, e balor cu nan idea ta ofrece, y con ta crea impacto den nos comunidad.

Loke a destaca durante anochi ta e nivel di creatividad y nivel halto di preparacion, pasion y dedicacion cu cada teenpreneur a demostra. E presentacionnan a causa feedback impresionante cerca, mayornan, invitadonan y a confirma sin duda cu e hubentud di Aruba tin potencial grandi pa innovacion, liderazgo y desasaroyo empresarial. Mester remarca cu algun di e participantenan ya ta activo cu nan compania den e ultimo aña y ta generando entrada. Esaki ta di admira y ta demostra cu, cu pasion, dedicacion y guia correcto, nos hobennan ta capacita pa traha riba nan meta y logra resultadonan real den un etapa trempan di nan bida.

Impact Hub Aruba ta compromete pa sigui crea espacionan inspiracional y educativo pa cu teenpreneurs di Aruba y sigui stimula crecimiento, desaroyo y

creacion di impacto positivo den nos comunidad.

Impact Hub Aruba ta gradici PKF Dutch Caribbean & Suriname, cu e demostra liderazgo den apoyo di Aruba su 'Teenpreneurs'. Un gradicimento grandi ta bay na tur miembro di Impact Hub Aruba cu a dedica nan tempo y contribui cu nan conocimiento na e generacion nobo di 'founders' y 'changemakers' di Aruba. Pa finalisa Impact Hub Aruba ta hopi orguyoso di cada 'Future Founder' di nan energia y compromiso na crea nan modelo di negoshi.



BAN BEK CAYA “BACK TO SCHOOL EDITION” TA ON DIABIERNA

Diabierna dia 8 di augustus, famia- y amigonan lo topa un biaha mas den Caya Grandi pa e tercer edicion di Ban Bek Caya. Esaki ta e sentimento di orguyo y ta un di e aspectonan cu kier promove cu e actividad di Ban Bek Caya.

E esfuersonan no solamente ta dirigi riba e centro di ciudad, na comercio di Caya Grandi, pero tambe na tur e bendedonan cu ta forma parti di e evento di Ban Bek Caya. Conhuntamente cu Departamento di Cultura, a logra participacion di

artesanonan cu lo presenta un variedad di producto artesanal, lo tin cos dushi local y un variedad grandi di producto di comerciantenan independiente. E iniciativa di Ban Bek Caya ta un esfuerso conhuntito, caminda ta refleha con ta traha hunto y asina mira Aruba avansa. Cada Ministerio ta brinda su sosten na e proyecto, specialmente Minister Geoffrey Wever cu tin den su encargo Plaza Comercio caminda comerciantenan chikito ta haya oportunidad di expone y

bende nan productonan.

Premier Eman a subraya e esfuerso y energia renoba di e Ministerio di Turismo, caminda Minister Wendrick Cicilia cu su vision dinamico, ta trece cada biaha un aporte mas pa asina garantisar e trafico di turista yega y participa na e evento aki. Ministerio di Turismo ta hunga un rol grandi, banda di sponsor e evento, ta enfoca riba e importancia di atraer turista na e area aki, pa engrandecere aun mas e evento como tambe benta.



Gobierno ta consciente cu e comerciantenan den caya a pasa den temponan di hopi reto, pero e momento a yega pa cambia e destino di comercio den Caya Grandi den uno positivo

y florecente. Gabinete AVP-Futuro a pone e revitalisacion di Caya Grandi como punto central den nan programa di gobernacion.

Minister Geoffrey Wever: E RELACION ENTRE ADUANA Y BROKERS TA E CLAVE PA DESARROYO ECONOMICO DI ARUBA

Oranjestad, 6 Augustus 2025 - Minister di Finansa, Asuntonan Economico y Sector Primario, Geoffrey Wever, a subraya e rol fundamental di cooperacion entre Aduana y e brokernan durante e encuentro ‘Un rato cu Douane’, organisa pa Departamento di Aduana diaranson mainta.

“E reunion di awe no ta solamente un cita riba e calendario,” Minister Wever a bisa. “E ta un refleho di nos compromiso pa fortalece e laso di colaboracion, mehora comunicacion y traha riba un sistema di importacion cu ta eficiente,

transparente y prepara pa futuro.”

Riba un isla manera Aruba, unda un gran mayoria di e productonan cu nos ta consumi ta wordo importa, un sistema logístico eficaz ta esencial pa bienestar di nos pueblo y pa sostene nos economia. Segun e minister, brokernan ta fungi como e brug vital entre sector priva y publico, asegurando cu regulacion ta sigui y proceso ta flui sin obstaculo.

“Hopi brokers a comparti nan preocupacion y a indica cu den nan concepto mester di mas personal pa por cumpli cu

un demanda mas grandi, economia a crece, pero e cuerpo di Aduana no y tin un necesidad pa e containernan wordo geclear mas rapido. Esaki sigur ta un punto valido cu nos lo bai atende”, segun Minister Wever.

Durante e encuentro, e importancia di comparti e mesun vision a sobresali, no solamente pa atende cu preocupacionnan operacional, pero pa identifica oportunidadnan pa innovacion, mehora proceduranan, y fortalece relacion pa logra mihor resultadonan hunto.

Minister Wever a reafirma



cu Gobierno di Aruba ta comprometi cu un proceso di modernisacion continuo. “Mi ta kere den e poder di colaboracion. Si nos integra y revoluciona e manera con nos ta traha hunto, tanto Aduana como Brokers lo por enfrenta e futuro cu confiansa y prepara Aruba pa mas

progreso.”

E encuentro di awe ta un paso mas den e direccion corecto: un Aruba cu un sistema di importacion moderno, confiabel, y alabes adaptabel na lo cual ta rekeri di un economia den desaroyo.

Minister Geoffrey Wever

ARUBA Y COLOMBIA KIER FORTALECE LASO COMERCIAL, LOGISTICA MARITIMO Y DESAROYO AGRICOLA

Oranjestad, 6 augustus 2025 — Dialuna ultimo, Minister di Finansa, Asunto Economico y Sector Primario, mr. Geoffrey Wever, a tene un encuentro importante cu Sra. Carolina Olarte Bácares, Embahadora di Colombia pa Reino Hulandes, Sra. Patricia Cortes, Directora Europeo di Emabahada di Colombia, Sr. Gustavo Serrano Amaya, Consul di Colombia y Capitan di e Buque ARC Gloria, Sr. Luis Fernando Lara Coqollo.

E reunion ta forma parti di un esfuerzo di Gobierno di Aruba pa profundisa e relacion existente y formalisa cooperacion structural cu Colombia riba importancia strategico manera comercio, logistica maritimo y desaroyo di e

sector primario.

“Nos kier traha riba un base concreto pa mehora importacion y exportacion, pa beneficio di negoshinan chikito y pa crea mas oportunidad pa empresarionan Arubano,” Minister Wever a bisa. “Aruba su presencia permanente mediante Holland House na Bogotá y e interes creciente di empresanan Arubano pa haci negoshi cu Colombia ta refleha un deseo real pa expande nos laso comercial cu e pais bisiña. E misionnan comercial exitoso na 2023 tabata solamente un comienso,” Minister Wever a sigui bisa.

Aruba kier relansa e cooperacion den e sector

primario, especificamente riba importacion di carni, industria di pesca y coneccion mas frecuente y estructura via lama cu Colombia. Esaki ta brinda oportunidad pa Colombia tambe pa por haci uso di Aruba, como e isla mas cerca di Colombia, pa drenta otro islanan den Caribe y expande nan mercado.

Di acuerdo cu e Programa di Gobernacion AVP-FUTURO riba e punto pa diversifacacion di economia, un di e puntonan principal ta e deseo pa purba yega na un tratado pa elimina dobel belasting entre Aruba y Colombia—un paso cu lo habri porta pa inversionnan y pa un fluho mas liber di capital, producto y servicio cual lo percura pa mejora e



comercio den region.

Embahadora Olarte Bácares a expresa su interes continuo pa fortalece e relacion cu Aruba, indicando e potencial real pa cooperacion riba tereno comercial, logistica, produccion, turismo y deporte.

Minister Wever a conclui

cu e encuentro ta otro paso firme den un rumbo di crecemento, sosten y integracion regional. Un cooperacion structural cu Colombia no ta solamente strategico, sino tambe necesario. Aruba mester diversifica su economia y fortalece su coneccion regional pa sigui avansa.

DISFRUTA DI 3 CANAL NOBO DI DEPORTE Y ENTRETENIMIENTO: RUSH SPORTS, RUSH SPORTS 2, Y RUSH PRIME

Entrante 8 di augustus, clientenan di Cable Digital, SETAR Complete y IPTV lo nota tres canal nobo riba nan Line-up y na television. E canalnan di SportsMax no ta obtenibel mas riba Cable. Pa e motibo aki, SETAR ta introduci tres canal nobo: Rush Sports, Rush Sports 2 y Rush Prime.

Rush Sports y Rush Sports 2 ta canalnan di deporte cu ta specialisa den cubri un variedad di eventonan deportivo internacional y den caribe, cu enfasis fuerte riba futbol. Por spera weganan di UEFA Champions League, Emirates FA Cup, Concacaf, United Cup, F1, Tennis, IPL, Cricket, NFL, UEFA Nations League, NCAA y hopi mas.

Rush Prime ta un canal cu ta enfoca mas riba entretenimento, ofreciendo diferente programa popular manera WWE (wrestling profesional), show di Family Feud, pelicula di Hallmark, Jeopardy CIS, NCIS y mas.

Clientenan cu e servicio di SETAR Complete y IPTV por mira e canalnan nobo den HD na: Rush Prime – 21, Rush Sports - 115 y Rush Sports 2 – 116.

Clientenan cu e servicio Digital Cable por mira e canalnan nobo na: Rush Prime - 42, Rush Sports - 103, Rush Sports 2 - 104 y riba HD na canalnan

Rush Prime - 359, Rush Sports - 363, Rush Sports 2 - 363.

Debi na e canalnan nobo por tin cambio den e secuencia di algun canal, pesey ta importante pa controla e Line-up cu ta disponibel riba nos website di www.setar.aw of sigui nos pagina social pa keda informa.

SETAR ta spera cu e canalnan nobo lo trece hopi mas deporte, entretenimento y emocion den tur cas na Aruba. SETAR ta sigui traha pa duna su clientenan e miho entretenimento, servicio y experiencia.

DEPARTAMENTO DI ADUANA A TENE ENCUENTRO CU BROKERNAN

O R A N J E S T A D - Diaranson 6 di augustus 2025 Departamento di Aduana a tene un encuentro na John F. Kennedy Education Center titula “Un Rato cu Douane” cu Brokernan, Aruba Trade & Industry Association (ATIA) y Comerciantenan Uni Aruba (CUA) pa trata diferente topico cu ta concerni e servicio y operacion di Aduana y pasonan pa fortalece colaboracion.

Den presencia di Minister di Finansa, Asunto Economico, y Sector Primario, sr. Geoffrey Wever, Director di Departamento di Aduana, sr. Roderick Croes, Management Team y expertonan, Director di ATIA y CUA, Brokernan a haya un presentacion di Aduana cual ta encera, entre otro, digitalisacion di nan proceduranan. Dos proceduracuya ta digitalisat e permiso pa organisa un Carshow y Kosten van Dienstverlening. Un otro procedura, esta Bezwaar y Beroep, lo bay na vigor

entrante 15 di augustus 2025 riba cual Aduana lo brinda mas informacion pronto. Alabes tabata tin un momento di interaccion pa atende cu e preocupacion y preguntanan di e Brokernan. E topiconan mas papia a encera e falta di personal na Aduana, splicacion di e clasificacion di color (geel, berde, blauw y cora) pa cu control di mercancia y mas acceso pa usuario den e sistema di Asycuda.

Minister Wever a expresa su sosten pa mehoracion den calidad di servicio pa Brokernan. Un trabou di un Broker ta crucial pa e sistema di comercio y nan servicio ta sostene e economia di pais Aruba. Pa e motibo aki ta importante pa tene combersacion y hunto yega na un solucion. Director di Aduana, sr. Croes, como tambe e Management Team ta satisfecho di mira representante di e Brokernan y ta gradici tur persona pa nan participacion y aporte.



Clasificados

Icons representing various services: car, house, shopping cart, briefcase, tools, and people.

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo
BRINDANDO FUERTE Y TENDIENDO CLARIDAD

MINISTER GEOFFREY WEVER TA SUBRAYA COOPERACION ECONOMICO DURANTE BISHITA DI BUQUE ESCUELA ARC GLORIA NA ARUBA



Oranjestad, 5 augustus 2025 – Den un acto oficial simbolisando e spirito di cooperacion, Minister di Finansa, Asunto Economico y Sector Primario, Geoffrey Wever, tabata presente durante e recepcion riba e Buque Escuela ARC Gloria di Colombia cu ta di bishita na Aruba.

“ARC Gloria no ta simplemente un barco. E ta un emblema flotante di diplomacia, excelencia educativo y tradicion maritimo. Su presencia na nos isla ta testimonio di e laso historico y amistad firme entre Aruba y Colombia di casi 200 aña,” Minister Wever a enfatisa.

E bishita di e barco

Colombiano ta tuma lugá den un contexto di relacionan fuerte entre Aruba y Colombia, particularmente riba tereno di desaroyo economico y cooperacion maritimo. Pa Aruba, lama no ta separa pueblo, sino ta un brug strategico pa conecta, pa stimula comercio y pa inspira innovacion.

“Nos presencia permanente mediante Holland House na Bogotá y e interes creciente di empresanan Arubano pa haci negoshi cu Colombia ta refleha un deseo real pa expande nos laso comercial cu e pais bisiña. E misionnan comercial exitoso di ultimo añanan tabata solamente un comienso,” Minister

Wever a bisa.

Aruba ta mira oportunidad real den futuro pa importacion di productonan alimenticio, manera carni y galiña for di Colombia y e idea pa formalisa un tratado entre Aruba y Colombia ta un paso firme

pa stimula inversion y crecimiento comercial entre e dos paísnan.

“Relacionnan di amistad den region no ta simplemente diplomatic;; nan ta e base di un economia sostenibel y prosperidad inclusivo pa e pueblo

Arubiano y Colombiano,” Minister Wever a conclui.

Minister Wever ta haci un yamado fuerte pa sigui traha hunto riba relacionan regional, basa riba respet mutuo, oportunidadnan economico y un sentimento di union den Caribe.


Rosario Bibó diabierna 8 di augustus na Alto Vista

Diabierna awo, 8 di augustus, lo tin otro Rosario Bibó na kapel di Alto Vista.

Lo cuminsa resia pa 7 or y mey di anochi y cada persona por presenta su intencionnan particular y general.

Tambe lo resa pa tur e hobennan cu ta bay sigui un estudio profesional den exterior y na Aruba. Cu Spirito Santo ilumina nan pa nan tin hopi éxito den nan estudio. Y pa esnan cu ta bay drenta un aña escolar nobo na Aruba, di chikito te grandi, nos lo halsa nos voz pa Señor cuida nan y pa nan persevera bou guía di maestronan y nan mayornan.

Laga nos reuni na pia di nos mama di Alto Vista pa resa pa paz mundial, pa elimina inhusticia y discriminacion. Pa semper reina den nos curason e amor pa nos prohimo, mescos cu Hesus ta stima cada un di nos.



E SECUENCIA DI PARTICIPANTE PA CALYPSO SHOWDOWN TA CONOCI

Riba dia 9 di augustus 2025 lo corona e Aruba Caiso Monarch 2025 durante e Calypso Showdown presenta pa Stichting Musica

Diasabra awor, Aruba lo cera conoci cu e Aruba Caiso Monarch 2025. Un total di 10 cantante lo participa na e contest, di cual dos ta artista femenino. Esaki ta nifica cu e monarca lo por keda den nomber di un Caiso King of Caiso Queen.

Na caminda pa e evento y competencia musical, titula “Calypso Showdown”, Stichting Musica a organisa un anochi pa “trek lot” y pa prensa por conoce e 10 artistanan un poco mas di cerca. Manera ta custumber, Stichting Musica a haci e trekmento di lot den un forma dibertido y esaki ta e resultado pa e secuencia di presentacion:

- Queen Sashah** – Name: Sashah Figueroa – Song title: Johnny
- Dr. Hook** – Name: Charles Hooker – Song title: Moving Forward
- Queen Melody** – Name: Emelie Peterson – Song title: Who Protectin’ We
- Mighty Tattoo** – Name: Richard Quant – Song title: Proud Arubian
- The Commissioner** – Name: Dolfi Richardson – Song title: The Thing About Us
- Lord Lally** – Name: Soilo Sanchez – Song title: They Hungry For Power
- The Soca Mafia** – Name: Angelo Richardson – Song title: Stop It Now
- Galloway** – Name: Carl Roosberg – Song title: It’s Up To You
- Mighty Jaoul** – Name: Ralph Godet – Song title: Justice or Just Us
- Easy B** – Name: Bradley Vesprey – Song title: Pass D Mic

Calypso Showdown ta tuma lugar diasabra awor, dia 9 di augustus na Kulture Café, San Nicolas. Riba e dia aki trafico lo wordo desvia cu ayudo y permiso di Cuerpo Policial di Aruba. E rotonde dilanti di Nicolaas Store lo wordo converti den un pleinchi vibrante na unda e ritmo y melodia Caribense di Calypso lo resona. Stichting Musica ta gradici tur establecimiento y esnan residencia den e area aki pa nan cooperacion.

Pa reserva un mesa (pa 10 persona), por tuma contacto via Whatsapp na 566-1819. Entrada ta costa 35 florin pa persona y aworaki ta disponibel solamente na CITGO Essoville y via Pay.AW. Tur hende lo ta VIP riba e anochi aki, cu mesa y stoel pa sinta. Pues, no ta necesario pa trece bo mesun stoel.

Stichting Musica ta invita henter pueblo di Aruba pa bin disfruta di un competencia fuerte y un tremendo show cu Guest Stars y e Lifetime Achievement Award na Claudius “Mighty Talent” Philips. Bar y cushina lo ta bon surti.

Calypso Showdown ta priminti di bira un evento historico cu un balor grandi pa nos herencia cultural. Un presentacion di Stichting Musica, conhuntamente cu Setar NV y cu aporte di Brouwerij Balashi, Elite Productions & Entertainment, Aruba Tourism Authority y Aruba Airport Authority.

VICE PRESIDENTE DI COMITE OLIMPICO ARUBANO TA HACI CONOCI CU E ORGANISACION DI ASU2025



Manera ta conoci, e weganan di ASU2025 lo ta uno grandi y di tremendo nivel, unda cu lo tin 41 pais cu alrededor di 5000 atleta ta participa. Locual hopi hende no ta conciente di dje, ta kico mas ta pasa rond di e weganan di e nivel aki. Den mayoria caso, miembronan di e directiva di e diferente Comité Olimpico

Nacional ta reuni pa asina tene reunionnan di e organisacion continental, cual den e caso aki ta Panam Sports. Durante e reunionnan aki, ta trata diferente topico interesante na nivel di maneho y planificacion pa cu deporte y temanan importante relata na esaki, manera deporte sigur y con pa mehora nos comunidad a traves

dideporte.

Recien elegi Vice presidente di COA, Randall van Trigt ta na Asuncion-Paraguay pa e evento special aki y a cera conoci cu e ekipo tras di e weganan y e facilidadnan den cual esaki lo tuma luga.

Sucha Randall splica mas di su prome experiencia na un Wega di e Ciclo Olimpico. #TEAMARU

RIBA DIA DI INDEPENDENCIA DI JAMAICA, A HISA E BANDERA JAMAQUINO PA PROME BES NA ROTONDE DI AEROPUERTO INTERNACIONAL REINA BEATRIX



Diaranson atardi, banda di rotonde di aeropuerto, a tuma luga un ceremonia en conexion cu Dia di Independencia di Jamaica. Esaki sigur tabata un momento di gran orguyo pa e comunidad Jamaquino, Consul Honorario Sr Donald Taylor, Prome Minister mr. Mike Eman, miembronan di Parlamento y invitadonan cu a yega hunto pa presencia pa prome biaha e bandera di e pais bay halto na e rotonde.

Sr. Chris James, hunto cu e ekipo di CCDN, a organisa e evento special aki den cual diferente orado a hiba palabra. A habri e atardi cu oracion di Pastor

Euphema McLean di God's Faith Pavillion Deliverance Ministries, sigui pa palabra di Consul Honorario di Jamaica Donald Taylor via video. Tambe a hiba palabra Vice-Presidente di Parlamento mr. Muzannin Wever, sigui pa miembro di parlamento Otami Thomasia.

Prome Minister mr. Mike Eman na su turno tambe a dirigi su mes na tur presente.

Inspira pa palabranan for di biografia den buki pa Nelson Mandela, caminda a menciona trayectoria y distancia largo cu mester a cana pa libertad, pa respet,

pa reconocimiento, awe ta duna reconocemento na e trayectoria largo cu e comunidad Jamaquino mester a cana pa logra esaki awe na Aruba.

Cu determinacion a resona e conviccion di Premier Eman, cu e compromiso di e Gobierno aki no ta cu algun pero cu e comunidad den su totalidad, pa sigura cu tur ta gosa di e oportunidadnan di forma igual, ta ricibi ayudo igual y cu e necesidad di e comunidad pa haya oido y ayudo di e gobernacion.

“E momento cu subi e bandera di Jamaica na e rotonde di aeropuerto, ta momento di reconocimiento, respet y di afirmacion cu e comunidad Jamaquino ta pertenece y ta forma parti di e comunidad di Aruba. Esaki ta un simbolo cu ta bisa hopi di e compromiso cu tin cu haci na cada ciudadano riba nos isla. E comunidad Jamaquino a forma parti semper di e sacrificio cu a tuma luga riba nos isla.

Prome Minister den su discurso a enfatisa riba e importancia di e presencia di e comunidad Jamaquino riba nos isla, no tin un solo



trabou caminda no a mira un Jamaquino trahando. Nan t'ey den cada trabou, cada lucha, cada sodo cu a forma parti di e lucha pa un miho Aruba.

“Ban hisa e bandera na honor di e comunidad Jamaquino”, ta locual cu Prome Minister Mike Eman a finalisa su

discurso cu ne.

Prome Minister Eman a gradici e comunidad Jamaquino pa nan trabao inmenso cu nan a haci na bienestar di nos desaroyo y a felicita nan cu e momento historico aki di reconocimiento.

MINISTER GERLIEN CROES A FIRMA ACUERDO STRATEGICO PA EDUCACION CULINARIO

Oranjestad, 7 di augustus 2025 – Diamars mainta, durante un ceremonia oficial na Colegio EPI, Minister di Educacion, mr. Gerlien Croes, a enfatisa riba e rol fundamental cu educacion tin den forma un futuro laboral solido y sostenibel pa Aruba. E evento a marca e firmamento di un acuerdo strategico entre ATA, EPI y SEPB, pa un colaboracion clave cu ta enfoca riba stimula y eleva e nivel di educacion culinario na Aruba. Un iniciativa como un paso strategico den direccion di un sistema educativo mas conecta cu e necesidadnan real di e mercado laboral y e aspiracionnan di nos hubentud. “Nos mester ofrece na nos hobennan un


educacion cu ta relevante, inspirador y cu ta preparanan pa e mundo real. E aliansa aki ta muestra con, hunto, nos por crea oportunidadnan cu ta impacta positivamente e bida di nos estudiante y e futuro di Aruba”, Minister Gerlien Croes a expresa. Minister Gerlien Croes a indica cu e crecimiento continuo di nos sector turistico — particularmente den gastronomia y hospitalidad — ta crea un urgencia pa desaroya y forma talento local di calidad. E Plan pa Stimula Educacion Culinario 2025 ta inclui tayer practico, experiencia internacional, evento pa estudiante y lesnan innovativo, duna door di profesornan y expertonan di e industria.



“Nos educacion mester garantiza un brug entre scol y e mundo laboral”. E Plan Culinario ta precisamente esey: un proyecto educativo cu ta empodera, inspira y prepara. Esaki ta un ehempel di con nos por integra educacion, hubentud y industria pa crea un Aruba

mas fuerte”, Minister Gerlien Croes a agrega. Ministerio di Educacion ta compromete pa sigui traha den direccion di un sistema educativo moderno, inclusivo y conecta cu e realidadnan di manañ — un sistema cu ta capacita nos hobennan pa keda na su pais y contribui

cu orguyo na su desaroyo. Un gradicimento na ATA y colega Minister di Turismo sr. Cicilia como partner strategico di e iniciativa aki. Minister Gerlien Croes ta keda subraya e importancia di educacion como base pa desaroyo di e futuro laboral di Aruba.



AUGUST 9, 2025 | KULTURE CAFÉ ARUBA

LIST OF CONTESTANTS 2025

Official performance sequence of the Calypso Showdown 2025 competition

	ARTIST NAME	STAGE NAME	SONG TITLE	COMPOSER	ARRANGER
1	Sashah Figueroa	Queen Sashah	Johnny	Marta Figueroa	Michael Odor
2	Charles Hooker	Dr. Hook	Moving Forward	Charles Hooker	Charles Hooker & Michael Odor
3	Emelie Peterson	Queen Melody	Who Protectin’ We	Emelie Peterson & Dolfi Richardson	Dolfi Richardson
4	Richard Quant	Mighty Tattoo	Proud Arubian	Richard Quant	Markkeys Maduro
5	Adolfo "Dolfi" Richardson	The Commissioner	The Thing About Us	Dolfi Richardson	Dolfi Richardson
6	Soilo Sanchez	Lord Lally	They Hungry for Power	Soilo Sanchez & Angelo Richardson	Emil Krozendijk
7	Angelo Richardson	The Soca Mafia	Stop It Now	Angelo Richardson	Emil Krozendijk
8	Carl Roosberg	Galloway	It’s Up to You	Carl Roosberg Sr.	Samuel Jack
9	Ralph Godet	Mighty Jaoul	Justice or Just Us	Ralph Godet	Ralph Godet
10	Bradley Vesprey	Easy B	Pass D Mic	Rocky Everon & Bradley Vesprey	Rocky Everon & Bradley Vesprey

Obituario

Publica serka nos anuncio di fayecimento di bo ser keri.
Nos tin 2 pakete pa ofrese;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na
585-9500 of na 741-4554

Clasificados



SOLODIPUEBLO@GMAIL.COM
CEL.585 9500



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Nos ta anuncia fayecimento di:



Jenny Margarita Croes-Márquez
*17-10-1945 - †05-08-2025

Acto di entiero lo wordo anuncia despues.

“Dios ta amor... y amor ta Dios,
maske mi no ta na e mundo aki, tur dia lo mi ta banda di boso curason,
mi por steun di loke Señor ta haci.”

Salmo 33

Cu dolor na nos curason,pero conforme cu bolundad di Dios nos ta participa
fayecimento di nos ser stima:



Sr. Victor Manuel Giel

Mihor conoci como “Toy”

*14 mei 1941 - †24 juli 2025

Su mayornan: †Vidal Giel y †Fransisca Giel

Su esposa: Aminta Giel Velasquez

Su yiunan: Victor Samuel y Sorayda Giel-Boekhoudt
Robert Giel y Maria Geerman
Carla Giel

Nieta y nietonan:Suzette Giel y Joselito Vrolijk
Anderson Giel y Jennifer Tentativa
Howard Giel
Marc Giel

Bisanietonan: Anderson Junior Giel
Damian Giel

Rumannan: Cecil y Leonora Giel-Figaroa
†Antonio y †Maria Anna Giel-Tromp
Juan y Rosalba Giel-Ossa
Fransisco y †Filomena Giel-Wolff
†Bernardo y †Filomena Giel-Figaroa
Emiliano y †Norma Giel-Jacobs
†Filomena y † Irving Yarzagaray-Giel
Jossy y Olga Giel-Velazquez
Tomas y Maria Giel-Wolff
Catharina Giel y famia
Mariana y Hubert Croes-Giel

Sua- y cuñanan: Carmen Slikker Velasquez y famia
Arcadio Velasquez y famia
Filomena Tromp – Velasquez y famia

Su miho amigonan: Silo Brete y famia, Roy Brete y famia, Alex Noguera, Chico Chiquito, Gerardo de Veer, Hans Snog, Cosma Kelly y famia, Lily Heideweller y famia , Ruben Pieters i famia, Bubu de Cuba I famia, Mario Genser I famia, Oslin Toppenberg , Aparicio “Payo” Kelly, Micheal Kelly y tur su hungadornan di Deportivo Nacional, amigonan, bisinanan i conocirnan. Tur su subrino- y subrinanan, primo- y primanan, comer- y compernan e ihanan ta invita demas famia, bisiña, amistadnan pa asisti na

Demas famia: Giel, Velasquez, Christiaans, Tromp, Slikker, Henriquez, Figaroa, Orman y Bermudez

Ta invita pa e acto di despedida y entiero cu lo tuma lugar diasabra 9 di augustus 2025.

E restonan mortal di Toy lo ta den Misa Santa Anna pa 1or y tin oportunidad pa condoleer te cu 4or. Respons ta cuminsa 4.00pm, despues di cual lo hiba nos defunto na su ultimo lugar di sosiego na Santana di Noord.

Un donacion pa Wilhelmina Kanker Fonds lo ta altamente aprecia. Lo tin un caha disponibel den misa.

Nos ta lamenta cu despues di entiero nos no ta ricibi bishita di condolencia na cas.

Nos disculpa si den nos tristesa nos a lubida algun famia of conoci.

PROME MINISTER MIKE EMAN Y CADET NAN DI BUQUE ARC GLORIA A PLANTA 12 MATA NA PLAZA DEL CÓNDOR



Diamars atardi, den un acto simbolico di union, cooperacion regional y compromiso cu sostenibilidad, Prome Minister di Aruba, mr. Mike Eman, hunto cu Consul di Colombia na Aruba, Sr. Gustavo Serrano Amaya, Embahadora di Colombia na Hulanda, Sra. Carolina Olarte Bácares, Capitan di e Buque ARC Gloria di Fuerza Naval Colombiano, Jorge Gonzalez, y 40 cadet di e buque Gloria a contribui na e vision ambicioso di Gobierno di Aruba: reforestacion di nos isla. Como muestra di hermandad y como homenahe na e simbolismo profundo di mata como fuente di bida, di inversion den futuro, di unidad y cooperacion, di resiliencia y crecimiento, e cadetnan hunto cu Prome Minister Eman a planta un total di 12 mata na Plaza del Cóndor, dilanti di Price Smart. E acto ta representa no solamente un paso fisico pa un Aruba mas berde, sino tambe un mensaje profundo di speransa, renobacion y union entre e pueblonan cu ta parti di un futuro comun. Cada mata planta ta un



simbolo di speransa, di futuro y di un compromiso sostenibel. Prome Minister a gradici e delegacion Colombiano pa nan compromiso, y ta honra pa conta cu nan contribucion pa e causa noble aki. Prome Minister a expresa su profundo gratitud na Embahadora Bácares pa su bishita y sosten continuo, y tambe na Capitan Gonzalez y tur

cadet cu a contribui den logra e meta pa yega na un Aruba mas berde, bunita y sostenibel.

Clasificados


SOLODIPUEBLO@GMAIL.COM
CEL.585 9500


SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

Clasificados





Paardenbaastraat 10, Oranjestad, Aruba Tel.: (297) 525 - 7555
www.lottoaruba.com

Resultado: Sorteo di Merdia - August 07, 2025

CATACHI

Sorteo # 4704

9073

1452

1662

MULTI X

X2

BIG 4

Sorteo # 4704

6152

MULTI X

X2

1OFF

Sorteo # 2760

4545

ZODIAC

Sorteo # 4704

0612

Scorpio

LUCKY 3

Sorteo # 1578

707

MULTI X

X5

LOTTO 5

Sorteo #

0 x Jackpot

0 x Match 4+

0 x Match 4

0 x Afl. 12,00

Joker

Letter

Proximo Jackpot

360.000,-

LOTTO DI DIA

Sorteo #

0 x Jackpot

0 x Match 4

0 x Afl. 8,00

Proximo Jackpot

96.000,-

MEGA

Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

350.000,-

MEGA

MEGA PLUS

Afl. 530.000,-

KORSOU

Sorteo #



LOTTO

Paardenbaastraat 10, Oranjestad, Aruba Tel.: (297) 525 - 7555
www.lottoaruba.com

Resultado: Sorteo di Anochi - August 07, 2025

CATACHI

Sorteo # 8615

5518

0006

0790

MULTI X

FP

BIG 4

Sorteo # 7659

0283

MULTI X

FP

1OFF

Sorteo # 2364

0974

ZODIAC

Sorteo # 6418

2063

Libra

LUCKY 3

Sorteo # 1348

464

MULTI X

X2

LOTTO 5

Sorteo # 2616

0 x Jackpot

1 x Match 4+

8 x Match 4

182 x Afl. 12,00

Joker

33

Letter

F

Proximo Jackpot

360.000,-

LOTTO DI DIA

Sorteo # 6909

0 x Jackpot

10 x Match 4

139 x Afl. 8,00

02-03-08-19-22

Proximo Jackpot

96.000,-

MEGA

Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

350.000,-

MEGA

MEGA PLUS

Afl. 530.000,-

KORSOU

Sorteo #



“Señor ta mi wardador, mi’n tin falta di nada.
Den cunucu de yerba berde e ta pone mi sosega.

E ta hibami na awa trankil, pa mi bolbe haña
forsa. Salmo: 23

Cu honda pena na nos curason nos ta
participa fayecemento
Cristianamente di:

Sra. Viuda Juana Semeleer-Semerel
Cariñosamenta yama “Oma”
*08-02-1930 - †31-07-2025

Esposo:
† Anselmo “Chemmy” Semeleer

Yiunan:
Joakim (Jopi) Semeleer
Anna Maria (Annie) Semeleer
Evelyn Semeleer y Chencho Kelly
Carla y Jeffry Schuilenburg-Semeleer

Nieto(a)nan:
Chozann, Rowald, Clinton, Rebecca, Ali, Rayan, Melany, Melody, Camilla

Bisanieto(a)nan:
Zidion, Damiën, Zi-Xiann, Kelsy, Asael, Alina, Mihkael

Rumannan:
† Augustinus Semerel y famia
† Maria Tromp-Semerel y famia
† Jacoba (Marianita) Semeleer-Semerel y famia
† Theodoor Semerel y famia
† Regina Semerel
† Johanita Figaroa-Semerel y famia
† Theresita de Cock-Semerel y famia
† Zr. Magda Semerel

Manera ruman:
Eduardo (Eti) Semerel

Swa:
Celestino y Olivia Semeleer

Su ayudante:
Candy (Maria) Ulloa

Primo y primanan, sobrino y sobrinanan, ihanan, bisiñanan y conocirnan y demás
famianan den exterior

Un palabra di gradicimento na Dr. I. Tromp y Dr. A. Wever

Demas Famia:
Semeleer, Semerel, Kelkboom, Figaroa, Fakih, Schuilenburg, Kelly, Tromp, de Cock,
Stanley, Verploeg, Mendoza, Bikker, Arends, Stamper, Elhage, Radings, Nava, Croes,
Mauricio, Paesch, Obispa
Demas famia na Hulanda

Disculpa nos si den nos tristeza nos por a lubida algun famia

Ta invita pa acto di entierro cual lo tuma lugar na Misa Santa Anna na
Noord, 08 Augustus 2025 di 09:00 – 11:00 am y despues lo sali pa
Santana Santa Anna na Noord
Nos ta lamenta cu despues di entierro nos no por ricibi bishita di
condolencia na cas

FORTALEZA PA FAMILIA

Scirbi pa Pastor Marcel Balootje.

FAMILIA, MATRIMONIO Y HUBENTUD TA DEN NECESIDAD DI ORACION



Si nos como mayor, no mantene nos yuinan den oracion, tampoco guianan riba e caminda di Dios ta ken lo hacie?

Tempo no ta pintando masha bunita, mundialmente, y locual nos muchanan ta mira ta socode, tur dia no ta e miho cosnan pa nan sinja di dje, e mundo no ta dunando bon ehempel na nos hubentud.

Television, media, internet, telefon, hasta wega pa mucha ta contamina cu negativismo. Unda cu bo bira violencia bo ta mira, y mayornan mester ta masha cauteloso, ora nan ta cumpra cierto weganan digital pa nan yuinan.

E afecto riba mente di un mucha awendia, cu telefon por haci, ta hopi grandi, tin mucha por domina e e situacion, pero hopi ta esclavisa na nan telefon, nan tin mas contacto cu nan telefon cu nan tin contacto cu familia.

Y ta cos cu nos tin cu tuma na cuenta, pasobra tin hopi mucha bao di atake di nervio, si algo mester pasa cu nan telefon y hasta si nan data por caba.

Tene cuenta cuanto hende, no por pone nan telefon un banda:

Ni ora nan ta come,

Tene cuenta cuanto hoben no por pone nan telefon un banda, ni den misa of iglesia,

Tene cuenta cuanto hoben no sa mes cu ora nan ta papia cu hende, nan mester scucha locual hende ta bisa nan, y stop di wak den e telefon.

Hende grandi a bira ta zundra otro riba telefon sin tene cuenta na unda nan ta, y muchanan tambe ta imita esey, palabranan menos bunita ta sali. Un telefon tabata sirbi pa un urgencia, of pa trece bon noticia, awor aki a bira fuente di redu, menasa, inmoralidad, violencia, y mas cu tur cos desunion.

Bo sa cuanto matrimonio ta na peliger, pasobra e homber of e muher ta mas den telefon cu nan tin tempo pa otro, bo sa cuanto hende ta esclavisa na pelicula riba nan telefon, cu nan ta subi riba cama enbes di tin tempo pa otro nan ta mara riba

nan telefon.

Bo su cuanto hende ta negligisha nan deber matrimonial y nan familia tras di un telefon.

Ta hopi tristo pa bisa pero

telefon a bira obheto di idolatria, y un dios chikito pa hopi hende, pasobra nan ta alaba nan telefon.

Palabra di Dios ta bisa hopi cla den Mateo 24:12: Pasobra inikidad lo aumenta, amor di hopi lo fria.

Nos ta mira tambe con ciencia a aumenta, y hende awor kier haci tur cos artificial, pa asina, nan por bay cu tempo, pero nan ta lubida, cu pa Dios, ta berdad y puresa ta conta.

Laga esaki permanece den nos memoria locual Filpensenan 4:8-9 ta bisa Finalmente rumannan:

Tur loke ta berdadero, Tur loke ta honorabel, Tur loke ta husto, Tur loke ta puro, Tur loke ta bunita, Tur loke ta di bon fama, si tin algun virtud, y si tin

algo digno di alabansa, laga esakinan ocupa boso mente.

Y e cosnan cu boso a sinja y a ricibi, y a tende y a mira den mi, practica e cosnan aki, y e Dios di pas lo ta cu boso.

Laga nos haci oracion, pa amistad, pa karakter, integridad, pasion pa cosnan di Dios, crecimiento spiritual, discernimento, speransa y amor alcanza curason di nos hubentud.

Sea alerta, para firme den fe, actua manera homber, sea fuerte. Laga tur loke boso haci wordo haci cu amor. (1 Corintionan 16:13-14).

E tempo den cual nos ta bibando no ta facil, e enemigo ta pone hopi hende tropica y hopi ta fria, enbes di aumenta nan amor pa Senjor.

Oracion di dia

Un dia fructifero y cu e luz di Cristo por briya den cada un di nos

"... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

